

黔陽縣志卷五十

烈婦傳

嗚呼志士仁人成仁取義其得乎天地之至健者耶乃如弱質捐軀慷慨赴義彼食祿膺榮忝忍偷生者豈不顏變愧生哉茲合舊志新增編為烈婦一卷流彤管之輝尤足壯青史之色矣

明 張氏向春妻適春時年十七甫數月春卒七日後自縊柩旁

大清一統志姚志按湖廣通志亦作黔陽人又云舊志作元人康熙志惟有向春聘妻張阿大守貞至七十壽終事跡與此

迥異存之以名姓偶同又耶龍標載此而別張阿大於貞烈類事重兩夫婦以俟考又耶龍標載此而別張阿大於貞烈類

入貞烈類據一統志載向春妻張氏入節孝類姓全同事實各異今據請旌冊合為一條按縣志載向春妻張氏入節義類

別載張阿大於貞烈門而節孝錄據請旌冊專載入貞女但事實各異仍應分編一從所旌載入貞女一編入烈婦

張細姐在城坊人受周成聘年二十聞成歿悲不自禁母鄭氏慰

解之對曰兒雖未嫁受聘即其妻也周死我何生為是夜自縊於

黔陽縣志 卷第五十 烈婦傳

一

後園椒樹旁父母憐其志因以屍歸周與成同穴而葬大清一

志按湖廣通志作周成聘妻蓋誤以聘字屬上讀也今改正之按節孝錄依請旌冊載入貞女今據事實並編入烈婦

國朝 向氏生員楊愈森妻順治己丑年辰黔復為亂兵所據楊

偕氏奔至砦頭依氏父值潰卒掠氏去楊尾至河邊呼曰勿悲我

必贖子氏麾楊急去指水曰君於此收我尸足矣明日楊至其所

見氏尸浮水上顏色如生愈森明進士正苾孫姚志按云考寇據

辰州又湖廣通志氏年二十一嫁愈森生子甫一歲時黔寇進據

辰州夫妻逃山谷中氏被執賊欲污之不從賊遂焚愈森氏悲啼

抱子投烈焰中夫婦同時死賊感其烈合葬氏夫去諸書所載異詞如此未知所從茲仍舊志列前而附錄統省二志以備參攷

蔣氏生員楊甦妻順治庚寅年郝永忠出掠夫妻逃至洪灘下不

食三日遇潰卒氏懼見辱奔江中眾卒呼曰我降卒也不為亂氏

不應一卒急入江中救之氏以為給己竟趨深水死舊志

李氏向洪韶妻亂兵劫掠與楊愈森妻向氏同被執赴水死異日  
二屍並浮水上顏色如生舊志

楊氏增生李士慧妻故宦楊廷儀女孫順治己丑年遇亂兵於黃  
巖風洞義不受辱罵賊而死賊碎其屍舊志

李氏生員唐有望妻庚寅寇亂氏被擄義不受辱赴水死經十餘  
日其屍順流至茶陵溪里門顏色如生有望傷之終身不再娶舊志

唐氏生員潘士桃妻廩生唐國校女年十八適潘一載夫歿痛欲  
身殉以有遺腹止後生一女氏曰吾實不能生也不食七日死邑

令王光電上其事舊志

邱氏生員危愷妻邑人邱上荃女康熙壬辰氏十六適危孝敬無  
違曾爲姑挈薰籠失足傷顛而諱痛囑婢秘之夫歿無子初忍死  
撫姪珍爲嗣逾年而殤氏曰吾心盡矣遂絕粒翁姑涕泣苦勸不

黔陽縣志

卷第五十

烈婦傳

二

從越五日死時年二十一後繼子成芳舊志已上九人皆

段氏潘亦燿妻國學段景瑋女性穎慧父鍾愛之教以女兒經過  
目成誦年十九歸潘二十二歲遭夫變欲以身殉遽投宅邊池中  
人救之曰吾無子何以生爲翁姑命撫姪作奎爲嗣氏含淚謝竟  
勺飲不入口卧病旬日而亡邑令葉夢麟上其事四十四年 旌

立節烈坊舊志 ○按節孝錄載入節婦門今  
據旌表事實編入烈婦

王氏周 ○妻里人羅老晚等偏污之不從被毆死嘉慶十一年  
旌通志已上二人特旌其夫名錄傳俟

洪氏葉氏子二里人洪幼適葉未婚葉有女弟 國初遭王馬之  
亂同赴水死後獲其屍面皆如生鄉人神之即其畢命處構祠肖  
像以祀曰洪葉二姑祠

田氏蔣世萬妾年二十八世萬歿守貞不貳咸豐辛酉粵逆竄境

氏遇賊掠之怒罵被戕時年四十四歲

蔡氏高如霖妻年十六歸高期年生子甫四齡如霖歿誓從地下以子幼強忍不死年餘子殤終念夫嗣未定泣告族人請以夫兄如雯次子標繼事定哀哭數日嘔血而死時年二十一

向氏董仁杞妻翁姑早逝于歸數年無出勸夫納妾不允年二十八歲仁杞歿氏曰出嫁從夫夫死從子今無子安從乎遂自經死  
滕氏周洪光妻性貞靜咸豐八年有竹工豔其色窺室無人以刀脅姦不從極口詈罵遂斫其腦而死

趙氏瞿光澤妻趙德齊女年十八歸瞿二十歲光澤逝撫兄子明哲爲嗣咸豐十一年十一月粵逆竄境氏攜孤奉翁避亂山谷賊至氏泣請於翁曰願偕孫遠遁兒婦料不能免惟有潔身從亡夫地下耳遂解帶自經死以下皆咸豐十一年十一月初旬殉節事

黔陽縣志

卷第五十

烈婦傳

三

張瞿氏年三十餘攜二子避亂遇賊於張家坳義不受污母子俱死

潘氏吳士修妻幼年歸吳尙未完婚逆至一家被掠氏不受辱投糞廁死年十八歲

向氏生員陳湘妻攜兒婦趙氏避亂山村被擄俱不辱而死

廖氏桃家堂唐大文之子婦遇賊脅姦不從而死年十八歲

潘氏邱朝瑚妻能守婦道人無間言被掠罵賊而死

潘氏紅蓮坪馮代增妻賊脅以姦怒罵被殺年二十七歲

陳氏老塘坪馮千金妻避亂雞籠山遇賊不辱而死年四十二歲

危氏浙溪陳國元妻見賊污少婦罵賊被殺年五十四歲

張氏黃昌富妻年三十七歲隨夫避亂至江公坳賊至與其夫率子女赴水死即九口塘之第一池也

楊氏李文炳妻貞潔自守不失婦道避亂奔高溜洞遇賊掠舟擄其夫與子去氏抱幼女投河死越日屍浮顏色如生時年三十八歲

劉氏官冲蔣姓婦賊脅以姦不從而死年十八歲

李氏青山溪竇姓婦年二十三歲遇賊不污而死

沈楊氏年二十九歲遇賊欲污不從而死

唐廖氏年四十歲 嚴馬氏年六十歲 張楊氏年六十歲

唐陳氏年六十二歲 吳姚氏年六十歲 王李氏年八十歲皆

罵賊而死已上二十一人皆咸豐十一年殉難

蔣彩蓮向為松妻年二十五歲鄰豪某屢欲欺以姦忿不受辱自

經死知縣陳國仲手書芳烈可嘉四字為表於其墓蔣日新烈婦傳彩蓮子姪

女也生有至性貞靜寡言稍識字能讀書女工外遇傳一紀忠烈節義事輒感歎歛歔不已母得羸弱疾胞妹四皆幼蓮以一身任其

黔陽縣志 卷第五十 烈婦傳 四

勞操持家務奉母湯藥晝夜罔懈數年不倦母歿服闋始適向年二十二矣奉事翁姑動合禮法同治戊辰秋杪隣某調之義不

受辱氣忿雉經而亡先是女值無禮是乃竟死矣時年二十有五事已既聞女尋死為夫所覺旋蘇至是恨歸訴余慰以謹避之而

經官後有司憫其志為贈芳烈可嘉於墓表貞魂足慰女庶幾不死也已

王氏楊宗濂妻年十七歸楊夫早故母族強之再醮氏矢志不從

守喪畢自經以殉

附

明 胡氏漢陽貢生彭焱湖北通志焱妻孝感烈婦姚氏女也明末隨

夫避亂至黔會王進才肆掠氏被執強之渡河不可罵賊被斫身

無完膚一子一女同死黔人有烈婦歌舊志 國朝道光十七年

旌表按姚志攷明史有孝感烈婦姚氏貢生胡敬妻避亂湖南攜二女姚童投河死氏即其女耶雖為黔陽流寓而死事在此應

從附載黔例又按通志亦附載黔陽列女後

國朝 施氏知縣海甯周文煜妻王氏文煜妾順治六年通志據

杭世駿撰  
傳攷正

文煜知黔陽縣以勦叛將陳友龍被執罵賊死施自經以殉王亦投井死幼子及賓從八十餘口悉遭害黔陽人立祠祀

文煜以施與王從祀

海甯周公祠記  
請旌列女後舊志按通志附載黔陽  
無傳今補錄之

朱氏山左謝為璜繼室道光庚子秋謝往權芷江縣事道過黔陽  
鷓鴣灘纜斷舟危謝失足落水氏奔救無及自投以殉經宿得二  
尸面如生時教諭黃本驥為作詩徵和以紀其烈焉

補遺 向氏董仁沅妻年二十四沅故無嗣俟夫含殮畢自經以

殉時道光十一年四月十八日也

按前載有董仁杞妻向氏事與  
此同但查杞係子六里下坪人

沅係子二里人  
兩氏年歲亦異

唐氏馮代鎰妻咸豐辛酉十一月初三日被粵逆掠至大田給賊  
他顧奔溪自沈賊追殺之時年二十一歲

鄧氏趙先誠妻同治七年合家避苗舟中見翁為鏞被殺抱幼子

黔陽縣志

卷第五十

烈婦傳

五

同姑楊氏祖姑楊氏赴水死惟先誠以顛疾免

廖氏朱應昭妻孀居撫子同治七年二月二十二日苗逆竄境攜  
家奔舟為下游賊阻截自沈於江同死者長孫及幼孫女杏姬